

玉

海

二十四

玉海

玉海卷四十八

後儀王應麟伯厚甫

藝文

實錄

實錄起於蕭梁至唐而盛雜取編年紀傳之法而爲之以備史官採擇

梁實錄

唐志梁皇帝實錄周興嗣二卷

興嗣撰皇帝實錄謝皇德記起居注

吳五卷太清實錄十卷雜史許嵩

唐人

建康實錄二

十卷六朝所都偽史劉昫煚煌實錄二十卷

晁氏志建

康實錄始自吳起漢興平元年終於陳末禎明三年
南朝六代四百年間君臣行事及土地山川城池宮
苑制置興壞用存古迹有異事則誌之

唐二十八部實錄

志凡實錄二十八部三百四十五卷始周興嗣終於
吳兢中宗實錄劉知幾太上皇實錄以下至韋保衡
武宗實錄不著錄四百五十七卷 六典史官本起
居注以爲實錄 崇文總目三十三部八百四十一
卷唐高祖至周世宗

唐高祖實錄 太宗實錄

志高祖實錄二十卷敬播撰房玄齡監修許敬宗刪

改

起創業盡貞觀九年

今上太宗實錄二十卷敬播顧嗣撰房玄

齡監修

盡貞觀十四年

會要貞觀十七年七月十

六日癸巳司空房玄齡給事中許敬宗著作郎敬播

等上高祖今上

太宗

實錄各二十卷使諫議大夫褚遂

良讀之始讀太宗初生祥瑞感動流涕曰朕富有四

海追思膝下不可復得收卷遺編之祕閣賜皇太子

諸王各一部

封玄齡一子縣男賜物千段璽書褒美

敬播傳與敬宗

撰高祖實錄興創業盡貞觀十四年至是又撰太宗

實錄訖二十三年

房喬嘗稱播為陳壽之流

通鑑

貞觀十七年七月癸巳書成上之上見其書六月四
日事語多微隱命削去浮辭直書其事初上謂監修
國史玄齡曰前世史官所記皆不令人主見之何也
對曰史官不虛美隱惡人主見之必怒故不敢獻上
曰朕欲自觀國史知前日之惡爲後來之戒公可撰
次以聞諫議大夫朱子奢上言云云上不從玄齡乃
刪爲高祖今上實錄

唐貞觀實錄

志長孫無忌貞觀實錄四十卷 會要永徽元年閏
五月二十三日史官太尉無忌等修貞觀實錄畢上

之起貞觀十五年至二十三年五月勒成二十卷通
前共四十卷顯慶元年七月三日史官太尉無忌左
僕射于志寧等修國史成起義寧盡貞觀末凡八十
一卷藏其書於內府至四年二月五日中書令許敬
宗等五人受詔撰貞觀二十三年以後至顯慶三年
實錄成二十卷添成一百卷上以敬宗所記多非實
錄謂劉仁軌曰此既乖於實錄何以垂之後昆高祖太宗
實錄敬播所修頗多詳直敬宗輒以愛憎刪改本傳所擿四事
書目太宗實錄四
十卷許敬宗奉詔定起初誕盡貞觀二十三年八月

舊史顧脗撰太宗實錄二十卷永徽中

唐高宗實錄

志許敬宗皇帝實錄三十卷高宗後修實錄三十卷

崇文目書目

初令狐德棻撰止乾封劉知幾吳兢續

成

起初載盡永淳二年

初顯慶四年許敬宗等撰貞觀二十三年以後至顯慶三年成二十卷

述高宗實錄三十卷武后高宗實錄一百卷

唐則天實錄

志則天皇后實錄二十卷

書目

魏元忠武三思祝欽

明徐彥伯柳沖韋承慶崔融岑羲徐堅撰劉知幾吳

兢刪正

吳兢傳初與劉子玄撰定武后實錄敘張

昌宗誣證魏元忠事頗言說已然可賴宋璟等激勵

苦切故轉禍爲忠說爲相讀之心不善知兢所爲卽
從容謂曰劉生書魏齊公事不少假奈何兢曰子立
已亡不可受誣地下兢實書之其草故在聞者歎其
直說屢以情斬改辭曰徇公之情何名實錄卒不改
世謂今董狐 會要神龍二年五月魏元忠至徐堅
等修則天實錄三十卷文集一百卷上之開元四年
十一月十四日子立兢重修則天實錄三十卷與中
睿實錄同上

唐中宗實錄

志吳兢中宗實錄二十卷劉知幾太上皇實錄十卷

書目十卷
下止傳位

睿宗實錄五卷

會要開元四年十一月

十四日修史官劉子玄吳兢撰中睿實錄各二十卷
成以聞又引古義白於執政姚崇奏敘事記言所錄
雖重承恩賜命固不在多請各賜物五百段許之
中興書目中宗實錄起神龍元年復位盡景龍四年
八月傳位凡六年睿宗實錄十卷起初誕盡先天二
年七月禪位凡四年又五卷知幾兢等撰起藩邸盡
開元四年其書互爲詳略

唐玄宗實錄

志開元實錄四十七卷失撰人姓名張說今上實錄

二十卷說與唐穎撰次玄宗開元初事玄宗實錄一

百卷令狐峘撰元載監修

峘所纂開元天寶間事唯得諸家文集編其詔冊以

備一朝之遺事多漏略名臣傳記十無二三不稱良史

中興書目一百卷元

戴令狐峘撰起先天元年盡上元三年以大曆三年

上凡五十年

集賢注記唐穎進所撰稽典一百卷

燕公奏留史館修史撰今上實錄十三卷韋述知史

館敕令述寫燕公所撰今上實錄二十卷藏集賢史

庫

會要元和十四年九月

乙巳

上謂宰臣曰朕讀

玄宗實錄見開元之初銳意求理至十五六年則稍

懈至開元末又似不及中年其故何也崔羣對又元

和中讀玄宗實錄見事出一主而興替頓殊李絳對
元和四年七月上讀貞觀開元實錄見太宗撰金鏡
書及帝範玄宗撰開元訓誡思繼前躅遂製君臣事
跡

唐肅宗實錄

志肅宗實錄三十卷元載監修

中興書目卷同元載撰起至德元盡後元

年凡六年

會要元和七年六月上讀肅宗實錄見大臣

傳多浮辭虛美因宣與史官令紀事詣實

唐代宗實錄

志令狐峒代宗實錄四十卷

中興書目同起寶應元盡大曆十四年凡十七

年

會要元和二年七月

癸巳

大僕丞令狐丕進父

恒所撰代宗實錄四十卷

詔贈工部尚書

建中初

顏

當時名臣如房琯而直諒如

唐建中實錄

德宗實錄

志沈既濟建中實錄十卷

舊史崇文目同

沈既濟

德宗實錄五十卷

蔣又樊紳林寶韋處厚獨孤郁撰

裴埱監修

崇文目同

書目同裴埱等撰凡二

會

要元和二年二月詔撰德宗實錄五年十月庚辰宰

臣裴埱與史官蔣武韋處厚等五人撰五十卷獻之

賜埱錦綵銀器

書目唐建中實錄十五卷左拾遺

沈既濟撰起大曆十四年以建中二年十月終篇既
濟作五例舉終必見始善惡必評月必舉朔史官雖
卑出入必書太子曰薨自謂辭雖不足而書法無隱
云

唐順宗實錄

志順宗實錄五卷韓愈沈傳師宇文籍撰李吉甫監
修 愈表云元和八年十一月監修吉甫授臣以前
史官韋處厚所撰先帝實錄三卷云未周悉令臣重
修臣與修撰傳師直館籍等採訪修成五卷削去常
事著其繫於政者比舊錄十益六七忠良姦佞莫不

備書去月二十九日進今月四日重令刊正其奉天

功烈更加尋訪已據所聞載於首卷太和二年詔

實錄所書德順朝禁中事起於謬傳殊非信史令史

官詳正

愈言禁中事頗切直宦官惡之屢言不實故令路隋等刊正開成二年三月帝曰似未

詳實

路隋傳愈書禁中事切直宦孺訾其非實詔隋

刊正隋言愈所書非自出元和以來相循逮今有詔

擿貞元永貞間數事爲失實餘不復改景祐中編

次崇文總目順宗實錄有七本皆五卷五本略而二

本詳

唐憲宗實錄

志憲宗實錄四十卷沈傳師鄭澣宇文籍蔣係李漢

陳夷行蘇景裔撰杜元穎韋處厚路隋監修中興

書曰路隋等撰起藩邸盡元和十五年正月按文宗

實錄長慶二年閏十月己亥路隋以學士處厚以舍

人兼修撰更日入史館明年詔元穎與傳師澣籍與

處厚隋等分年編次未及成大和中詔景裔夷行漢

係等續修成四十卷

四年三月丁酉路隋進

目錄一卷

目錄今不存

上之時大和四年也賜錦綵銀器會昌元年四月又

詔再修撰與先撰成本同進三年十月宰臣李紳史

臣鄭亞等進重修四十卷賜銀綵大中二年十一月

又詔止行舊本其再修本今不傳

周墀建言故事相德裕重定元和實

錄竄寄他事以廣父功遂制新書

循吏傳宣宗讀元和實錄見韋

丹政事卓然命刻于碑

唐穆宗實錄

志穆宗實錄二十卷蘇景胤王彥威楊漢公蘇滌裴

休撰路隋監修

書目路隋等撰起元和十五年正

月盡長慶四年十一月凡五年隋傳云大和七年表

上憲穆實錄今案上憲錄在四年

唐敬宗實錄

志敬宗實錄十卷陳商鄭亞撰李讓夷監修書目

李讓夷等撰起長慶四年盡寶曆二年凡三年會昌五年上鄭亞等修撰

唐文宗實錄

志文宗實錄四十卷盧耽蔣偕王諷盧告牛叢撰魏

謩監修

書目崇文曰同起寶曆二年盡開成五年凡十四年

會要大中八年

三月魏謩修成上之

賜銀器錦綵有差

孫甫曰高祖至文

宗實錄敘事詳備差勝他書

唐武宗實錄

志武宗實錄三十卷韋保衡監修

五代時唯一卷崇文目一卷

書目皇朝宋敏求撰二十卷起開成五年正月盡